

Accord en mathiere d'injures
d'anne gontaude jeune &
anne decolz

Comme ainsi soict que anne gontaude jeune
filhe de feu berenguier de la p(re)nt ville presupozant
avoir esté injuriée en son honneur par anne
decolz femme de jean vignelongue aussi de lad(ite)
ville se feust rendue plaignante et eust
faict informer d'authoritte de la cour de
monsieur le juge ordin(air)e dud(it) villemur et
sur lesd(ites) informa(ti)ons obtenu decret
d'ajournement personnel et qu'aussy
lad(ite) decolz presupozant avoir esté
injuriée en son honneur par lad(ite) gontaude

xxii

en eust aussi faict informer d'authoritte
dud(it) s(ieu)r juge & obtenu autre decret d'adjournem(en)t
personnel contre lad(ite) gontaude et que
sur lesd(ites) informa(ti)ons ch(ac)une desd(ites)
partyes respectivement se feussent faictes
ouyr et feussent en voye de se consumer
en frais et despans aus(ites) instances
pour ce obvyer par l intermise
d'aucuns leurs bons (*amis*) seroient venus
en accord comme s()ensuict scavoir
est que ce()jour()huy **sixie(me)** jour du moys de
febvrier mil six()cens neuf dans villemur
dioceze bas de montauban et()sen(echau)cee de th(ou)l(ous)e
soubz le regne de n(ot)re souverain prince henry
par la grace de dieu roy de france & de
navarre pardevant moy not(air)e royal soubz(sig)ne
ont est en personnes ladicte anne
gontaude d()une part et ladicte anne
decolz d'autre lesquelles de leur bon
gre & volonte soubz le bon plaisir de
monseigneur le viconte & de la cour
ont convenu & arresté que lesdictes
instances criminelles prendront fin et
par aucune desd(ites) partyes n'en sera plus
faicte aucune poursuite et pour
reparation de **l'injure de putain que
laditce gontaude presupoze luy avoir
esté dicte** par ladicte decolz icelle
decolz luy a déclaré qu'elle la tient
et repute pour filhe de bien & d'honneur
et pour raison de **l'injure d'yvronhe** (*lire : ivrogne*)
**que ladicte decolz presupoze avoir este
profferée** contre elle ladicte gontaude

icelle gontaude luy a presentement declaré
et declare qu'elle la tient et repute pour
femme sage & d'honneur et promettent
ch(ac)une desd(ites) partyes respectivement
vivre doresnavant en concorde & amityé
sans se plus provoquer a courroux ny
injurier en aucune façon et quant aux
frais & despans de justice ont convenu
et arresté que ladicte decolz payera
tous les droictz du greffier de l'une
e de l'autre des susd(ites) informa(ti)ons &
instances et ch(ac)une d'elles payera
son advocat et tout ce dessus
ont promis tenir garder observer &
n'y contrevenir soubz obliga(ti)on de tous &
ch(ac)uns leurs biens meubles immeubles
presens et advenir qu'elles ont soubmis
a toutes rigueurs de justice du p(rese)nt royaume
de france avec les renonciations en telz
cas requizes & necessaires et ainsy
l'ont respectivement promis & juré
la main levée a dieu ez presences
de pierre ratier praticien benoist
constans & raimond romaniac les
tous habitans dudict villemur et
led(it) ratier s()est signé avec moy jean
custos not(air)e royal dud(it) villemur et les
autres ont dict ne scavoir

Ratye, p(rese)nt

Custos, not(aire)